

# Titusla Paului Chagdis.

## Titusla Paului chagdissi skor.

I chagdispo Yeshui skutshabs Paului, Kreti tsholiņņika borkan Titusla đia dzadte innog. Tidus, Paulu gyudte dadpe naņņa yoņkan, Yeshui skorla gamoe nastshul khyabsshugcessi naņņa las cokan, khoņņi topa inpin.

Paulu taņ Titus, Kreti sņunla soņte inpin. Teru papului chosshadcespoe migun dadpe naņņa yoņs. Paului Titus te tatpacangunla tshircugcessi naņņa yato cocesla teru borte soņpin. Ta khoņņi i chagdispo Titusla, khoa gyabgal cokangunni gyabgalla rogs cocesla, đia dzads. Khoņņi Titusla Mashikapagun thidcessi khoņraņņi waņ salte khoa gyabgal cokangun nyampo kazuggi đel cocessi labzha salla dzads. Paului Mashikape tatpa taņ Mashikape mitshezhig phudcessi labzha, yaņ Titusla teru yodkanni zusme lobpongunne shaņ cocesla, đia dzads.

Paului i chagdispo, Yeshu đoņste sonte zhaņste stiņne lo 30 ne 32 nyekhorla đia dzadkanbo, gyus chanog..

## Paului chogsne ju.

### 1:1 ne 4

**1** <sup>1</sup> I igebo ņa Paului chogsne in. ņa ni Konchoggi zhabstogpa taņ Tsoo Yeshu mashike skutshabs in. Konchoggi ldamma dzadkangunla, mashike naņņa idshes cocespo shadces taņ, Konchoggi codlammika đulin mitshe phudcessi denbabo, sheshes labbala ņa lamcugs. <sup>2</sup> I denbaboe khoņgunla thamedpe mitshe yodkanni lokhyel taņņanog, kabo zun masalkanni Konchoggi jigsten dzaddi saņ sņunla zhalchad dzadte inpin. <sup>3</sup> Ta ldamma dzadkanni tuspoeka, ņe tshaņmala chosshadces gyudte khoņņi i lonbo sņon cugte innog. Konchog ņadaņņi skyabgonni ka salkan naņzhinla, khoņraņņi phia i laspo ņe lagga stadda dzads.

<sup>4</sup> ņadaņgunni dadpe naņņa, ņe denbe butsha tsogs inkanni cespe spun, Titusla điad. Konchog yab taņ ņati skyabgon Mashika Yeshu nyiskoe khyoraņņa thugrje taņ zhide salshig.

**Kreti nanja Titussi zhabstoggun.****1:5 ne 16**

<sup>5</sup> Khyoraŋŋi ŋadaŋgunni lasgun đubcugces taŋ ŋe labzha nanzhin, đoŋkhyer reree nanja uskyoŋgun skocessi gyuntshanboe phia, ŋe khyoraŋ Kreti nanja borpin. <sup>6</sup> Uskyoŋgun skyonmed taŋ khoraŋŋi nama nyampo idshescan yoŋgos. Yaŋ khoŋŋi ƣugugun tatpacan, yaŋ codlam ŋanpa taŋ khaminyan yodkanni skyon maphogkan rig yoŋgos. <sup>7</sup> Konchoggi chaglasgun uskyoŋgunni lagga stad pasaŋ, khoŋŋi mitshebo skyonmedkanzhig yoŋgos. Khoŋ phosocan ya ƣoduŋcan, khoŋ chaŋ maŋpo thuŋkan, ƣoe nanja nodskyalkan ya pene phia dodpacan yoŋ magos.

<sup>8</sup> Thadpo nyampo khoe khaŋpa yoŋkangunla gasus zhukan, yaŋ zaŋpo lasgunla khoe cespa cogos. Khoe mitshebo shesrabssi nanja phudgos, yaŋ thagcadgun chogris medpa cogos. Khoe mitshebo dampa taŋ, raŋsems cunte bornyankanzhig yoŋgos. <sup>9</sup> Labkanni idshescanni lonnika khoa maŋante tatpa yoŋgos, tene khoe zhanmagunla denbe labzha nyampo spospa skyecug nyanin, yaŋ teboe gyabgal cokangunla norte inkanbo stan thubin.

<sup>10</sup> Dolog cokanni mi maŋpozhiŋ yodte innog, kagun phanmithogssi sere nanja đeste zhanmagunla gobskorrad, migsalli tharpa thobcesla, butshagunla sunnad<sup>a</sup> cogos zerkangun. <sup>11</sup> Khyoraŋŋi khoŋgunla tetsogs zercesne ghaggos, ciazerna tegunni zusme labzhagunni, nanŋshaŋs gaŋpo denbe labzhagunne thagriŋŋa thidte khyerranog. Yaŋ khoŋgunni tebo khoraŋgunni phanthogssi phia coanog. <sup>12</sup> Ibo ni, khoraŋgunni ƣone luŋstonpa ciggi, "Kretapagun zunjan, khyi tsogs taŋ lasmilam đodnabscan" zerste innog. <sup>13</sup> Khoe zerkanbo đanpo inpa, dadpe nanja stanpo lusshessi phia, khyoraŋŋi tetsogssi spungunla maŋante khaskyete skyoŋgos.

<sup>14</sup> Tegunni, Yahudape zusme ruŋs taŋ đanpoa gyab logste chakangunni kagunla nyan magos.

<sup>15</sup> Sems lagmo yodkangunni phia citshaŋma stsaŋma innog. Innaŋ snyiŋŋi nanja stsaŋma medkan taŋ, Yeshuika tatpa macokangunni phia cishiggaŋ stsaŋma medpa innog, ciazerna khoŋgunni samtshul taŋ sems gun ŋanpa yodte innog. <sup>16</sup> Tetsogssi migunni zerranog, khoŋgunni Konchog shessad. Innaŋ tegunni lasgun co tshulla stana, khoŋŋi stiŋraŋne mađulkanbo, shesdug. Tegun naphradcan taŋ khaminyan yaŋ khoŋgunla caŋ las zaŋpo conyanna manog.

---

<sup>a</sup>**1:10** sunnaddi tonbo ni butshe she kane pagspa cadte stags cocespo innog.

**Denbe labzha.****2:1 ne 15**

**2**<sup>1</sup> Innaj khyoraŋŋi denbe labzha naŋzhinla labgos. <sup>2</sup> Lo ŋjabcui saŋ maŋŋa chakanni butshagunla raŋsems cunces, stsiwe ospacan gyurces taŋ mitshebo shesrabscanzhig phudcespo lob. Khoŋgunni tatpabo Konchoggi denbeka stanpo yaŋ cespa taŋ zodpa nyiskoe gaŋste yoŋgos.

<sup>3</sup> Tenna tsogsla lo ŋjabcui saŋ maŋŋa chakanni bumogunla, Konchogga stsiwa khyoŋkanni mitshezhiŋ phudces lob. Khoŋgun zhanmagunni codpe skorla ŋanpa zerkan, ya chaŋ maŋpo thuŋkanzhig yoŋ magos. Innaj khoŋgunni zaŋpo inkanbo zhanmagunla labgoshes innog. <sup>4</sup> Te bumogunni bumo nachuŋgunla raŋŋi maga taŋ tuŋgu gunla, camspa cocessi naŋŋa spospa taŋgos. <sup>5</sup> Matshad tegun raŋsems cunnyankan taŋ sems lagmo, naŋtshaŋssi stastog coces, las zaŋpo coces, yaŋ raŋdaŋraŋ khoranŋgunni magpe waŋŋi yogga borces gun labgos. Tene Konchoggi ka, suzhiggaŋ ŋanpa zer minyan.

<sup>6</sup> Tenna tsogsla khyogtoŋgunnaŋ, raŋsems cunte borcesla spospa toŋ. <sup>7</sup> Yaŋ khyoraŋŋiaŋ las zaŋpogun coste khoŋgunni phia spezhig gyurgos. Khyoraŋŋi labzhabo daŋpo taŋ semssi thilne yoŋkanbo ston. <sup>8</sup> Khyoraŋŋi labkanboa skyonrjod miyoŋcessi phia, denbabo lob. Tene ŋadaŋgunla gyabgal cokangun thelba soŋte ŋadaŋgunla caŋ ŋanpa zer minyan.

<sup>9</sup> Tatpacan tsheyoggunni tusgyun khoranŋgunni, sponboe kanyante khoŋgun thadcugcesla stsonduŋ coshiŋ. Khoŋgunla lanlog mataŋshig, <sup>10</sup> ya ŋku maŋku, innaj khoranŋgun cisathogne idshescan taŋ zaŋpo inkanbo stangos. Tene tegunla Konchog ŋadaŋgunni skyabgonni labzha hagogessi dodpa skyecugin.

<sup>11</sup> Mitshaŋmala tharpe lam salla dzadte Konchoggi khoŋraŋŋi thugrjebo ŋjon cugga dzads. <sup>12</sup> Yaŋ ŋadaŋgunla "Ŋanpe mitshe phudces taŋ, sdiŋpe dodpagunla gyabgyurgos" zerte shadda dzads. Ŋadaŋgunni i jigsten ŋanpe naŋŋa raŋsems cunnyankan, daŋpo taŋ, Konchoggi codlammika dulkanni mitshezhiŋ phudgoshes innog. <sup>13</sup> Itsogssi mitshe phud zane, rewa nyampo ŋadaŋgunni taŋpo Konchog taŋ, skyabgon Yesu Mashika gunni zirrijid ŋoncessanni te halasshessi zhagpoa ŋuŋin. <sup>14</sup> Ŋadaŋgun stsaŋma coces taŋ sdiŋpe rigs tshaŋmane tharcugces matshad, snyiŋne las zaŋpo cocesla riŋsin yodkanni khoŋraŋŋi migun cocessi phia khoŋŋi khoŋraŋŋi ŋogpo salla dzads.

<sup>15</sup> Khyoraŋŋi tegun, tatpacangunla labste laglenni naŋŋa khyoŋcesla spospa toŋ. Khoŋgunni i labzhagunni gyabgal co zane, khyoraŋŋa khoŋgunla spospa taŋste skyoŋcessi waŋcha yodte innog. Khyoraŋŋi labkangunla suzhiggaŋ snaŋmed co macug.

### Zaŋpo inkangun cos.

#### 3:1 ne 11

**3** <sup>1</sup> Tatpacangunla khoranŋun waŋsulpa taŋ waŋ yodkangunni lagga stadces, kanyances, taŋ tusgyun las zaŋpo cocessi naŋŋa ɖaldig coste dugcesla, idtu skol. <sup>2</sup> Khoŋgunni zhanme codpe skorla ŋanpa mazerra, dziŋmo taŋcesne thagriŋŋa duggos. Innaj khoŋgun zhanme gossdomgun samkan yaŋ denbe pasmo inkanbo tshaŋmala stankan rig yoŋgos.

<sup>3</sup> Tusshigga ŋadaŋgunnaŋ samba medkan taŋ khaminyan rig yodpin. Zhanmagunni ŋadaŋgun lam norsika thids, yaŋ dodpa ŋanpa maŋpozhiŋ taŋ, jigstenni skyidpogunni tsheyog gyur. Ƀadaŋgunni mitsheboe naŋŋa ŋanpa taŋ tshigces gaŋste, zhanmagunni ŋadaŋgunla naphrad yaŋ ŋadaŋgunniaŋ cig taŋ cigga naphrad coadpin.

<sup>4</sup> Innaj "Konchog ŋadaŋŋi skyabgonni thugrje taŋ

Cespa gun sŋonna dzaddadaŋ, <sup>5</sup> khoŋŋi ŋadaŋgun skyobba dzads.

Tebo ŋadaŋgunni las ɖaŋpo cocespoe zhaste manpa, khoŋŋi snyiŋrjee zhaste innog.

Khoŋŋi ŋadaŋŋi sdigpagun thua dzads, yaŋ dampe thugnyid gyudte Ƀadaŋgun yaŋskyar skyeste, mitshe somazhiŋ sals.

<sup>6</sup> Yesu Mashika ŋadaŋgunni skyabgon gyudte dampe thugnyidpo Khoŋŋi snyiŋ pheste ŋadaŋgunnika lugga dzads. <sup>7</sup> Khoŋŋi thugrje zhaste Ƀadaŋgun ɖaŋpo thea dzads pasaŋ, ŋadaŋgunla Konchoggi tuŋu gyurte Thamedpe mitshe thobcessi rewa yodte innog."

<sup>8</sup> Te zhaltagun denbe labzha innog, yaŋ ŋe dodpa ni, tatpacan tshaŋme tuspo las zaŋpo cocessi naŋŋa phudcessi phia, khyoraŋŋi te labzhagun khoŋgunni naŋŋa yoŋgoshespo tantan cocespo in. Te labzhagun tshaŋme phia zaŋpo taŋ phanthogscanzhiŋ innog.

<sup>9</sup> Khyoraŋ khoŋgunni mirgyuddi miŋthoe skorla samba medkanni ɖabssi naŋŋa maɖes, ya Yahudape thimsgun suŋcessi skorla, dziŋmo taŋ nol manol. Tegunni phanmithogs taŋ tus godla chaces mane caŋ manog. <sup>10</sup> Galtes migunni khyoraŋgun

pheces cona, ldamzhag tonshig yan lan nyispan, teboe stinne galtes sems magyurna, khorngun nyampo del maborshig. <sup>11</sup> Tetsogssi migun Konchoggi denba gyablogkan yan khorngunni sdigpe khorngunla skyon kallanog.

### **Stinjuggi labzha tan ju.**

#### **3:12 ne 15**

<sup>12</sup> De spun, Artemis ya Tikhikus nyiskoe nanne cigpo khyorañjika kallacig, Nikopolis gyalse nanña khyorañ ñaa thugga yoñcessi stsonðus cos, ciazerna ña teru ghunla dugces thagcadte in. <sup>13</sup> De spun wakyil Zenas yan spun Apolos gun besla chacessi nanña khyorañji cisathogne rogs cocessi stsonðus cos. Khorngunla gossdom yodkan tshañma tanste dugga stos. <sup>14</sup> Ñadañji spungunni zhanma tatpacangunni denbe gossdomgun rigste khorngunni tuspo las zanpo cocessi nanña phudces lobgos. Tene khorngunni, tonmeddi mitshezhih miphud.

<sup>15</sup> Iru yodkan tshañme ju zhurug. Juju teru yodkanni tatpacan, ñadañgunla cespacokangunla ñe chogsne ju zhus.

Konchoggi thugrjebo khyozhaa tshañmala salshig..